

حیات

نرسسی هربرده ۱۰ غروردر .

سنه لکی بوسته ایله ۵ لیرا .
(اجنبی مملکتلر ایچین ۵ دولار) .

ایوه واعلان ایشلری ایچین استانبول بوروسه
مراجعت ایدیلیر .
یازی ایشلرنکله مرجهبی آقره هربردر .

اداره مرکزی :

آقره ده ، استانبول جاده سنده آقره
معارف امینلکی یاشده کی داتره

استانبول بورورسی :

استانبولده ، باب عالی جاده سنده ۱۱۹ نومرولو
داتره مخصوصه
تلفون : ۳۶۰۷

میانه داتما میانه... دنیا به داتا هرور حیات قاتلم...
- نیجه -

۱ نجی جلد

آقره ، ۲۳ ، نیسان ، ۱۹۲۷

صافی : ۲۱

غازی یاشانک ظاهر اندره :

آقره مرکز حکومت . ابدیاً مرکز حکومت قالدی .

- غازی -



ایکی تاریخ

۲۳ نیسان ۱۳۳۶ بویوک ملت مجلسنک
ایلک اجتماعی تاریخدر . ۱۳ تشرین اول ۱۳۳۹
آقره نك حکومت مرکزی اولدیغنه رسماً
قرار ویریلدیکی کوندر . یکدیگرنی تماملایان
بویاکی وقعه نك افاده ایتدیکی معنا یالکزی سیاسی
برتحول دکلدی . بو ایکی قرار تورک ملتک
فکری وحسی حیاتنک دیکشمش اولدیغنی ،
قناعتلرده ، حرکتلرده یکی بردورک آچیلدیغنی
کوسته ریوردی . متارکه دن صوکر ا تورک
طوپراقلرینه اوشوشن مستولی قوت عثمانلی
ایمپراطورلغنه ۱۶ مارت ۱۳۳۶ ده اک صوک
ضربه بی ایندیرمشدی . سلطنتک مرکزی اولان
استانبولک اشغالی رسماً اعلان اولونمش ، مستقل
برتورکیه نك آرتیق موجود اولمادیکی کوسته بریلک
ایستتمش ایدی . بوندن اوتوزیدی گون صوکر ا
آقره ده اجتماع ایدهن بویوک ملت مجلسی ایسه
مخاصم بوتون بردنیایه قارشى تورک ملتک یاشامق
ایچون مجادله یه قرار ویردیکنی اعلان ایدیوردی .
هر طرفدن مادتا محاصره آلتنه آلینمش برملکتده

لوزان معاهده سیله تام استقلالنی الده ایتمش اولان
تورکیه ، حکومت مرکزی اولارق آقره بی
انتخاب ایدهرکن برچوق مشکلات قارشیسند
بولونیوردی ؛ آقره ده برحکومت مرکزنده بولونماسی
ایجاب ایدهن مادی وسائط یوقدی . بو وسائطی
وجوده کتیرمک ایچون چوق بویوک زحمتلره
قاتلانق ، یوقسوللقلره مجادله ایدهرک چتین
برطیعت اورتاسنده مدنی برشهر یاراتمق لازمدی
استانبولک یکی تورکیه یه مرکز اولامایاجغنی
کوره ن دهاء ملتک اک چتین برطیعت ایله مجادله
ایده بیله جکنی ، یکی مدنی برشهر یاراتابیله جکنی ده
آ کلامشدی . تورک ملتک بویوکسک کوروش
و آرزونک اطرافنده اتحاد ایتمه سی اونده کی حیاتی
قدرتک ، هرتورلو وواننی ییقاچق اک بویوکسک مدنی
اثرلر یاراتابیله جک بر قوت وشدتده اولدیغنی
کوسته ریر .

تظاهر ایدهن بو ملی قدرت حقیقی بر انقلابه
اشارت ایدی :

چونکه مستولیر قارشیسند مملکتک
استقلالنی قورتارمق عزمنی کوسته رن ملی قوتک
باشنده برسلطنت مقامی یوقدی . آرتیق روح
وجودانلره حاکم اولابیله جک « قدسی بر مقام ،
اعتقادی موجود دکلدی . تورک ملتک کندی مفکوره
سندن باشقاهیچ بر مقامه طامایوردی . اسکی قانون
اساسی ماده لرینه « اولو » نظریله باقورق یکی یاپیلان
ایلک « تشکیلات اساسیه » قانونی اطرافنده
آنادولینک اتحادی ، ملی روحدده عنعنوی سلطه
اعتقادی نك ، بابادن اولاده منتقل قدسی بر مقام
قناعتک برطوطمادیغنی کوسته رمشدی . اگر
انسان علمی ، جمعیتک مقدراتی کشفه قادر
اولسه یدی اوتاریخدن صوکر ا انقلابک روشنی
تعین قابل اولابیله ردی . فقط علمک مثبت اولارق
کوره مدیکی بر استقبالی بویوکسک برده هاتنور ایدیه بیلیر .
بویوک داهی ده ملی روحدده کی بوتبدلی چوق اول
کورمشدی ، اونک سوق واداره سیله الده ایدیلن
بویوک ظفر ، وجدانلرده هیچ برمسندی قالمایان
مؤسسهلری ده برر برر اورتادن قالدیردی .
۲۳ نیسان ۱۳۳۶ تاریخی ، نهایت تورک ملتک
هرنوع سلطه دن قورتولق ایسته دیکنی اعلان
ایتدیکی کوندر .

بویوک ظفر واونک پارلاق نتیجه سی اولان

۲۳ نیسان ۱۳۳۶ ، ۱۳ تشرین اول ۱۳۳۹
ایکی تاریخدر که یکی تورکیه نك معنوی وجهه سی ده
تعین ایتمشدر . بویاکی تاریخ ماضیدن انتقال
ایدهن هرنوع سلطه بی آتمق ، یاشامق ، اک ابی
بر حیات یاراتمق ایچون هرتورلو موانعه غلبه
ایله مک .. اراده سی افاده ایدهر . ایشه بو اراده درکه
عصری بر جمعیتک نشانه سی ، مدنی بر ملت
حیاتنک نتیجه سیدر .

بوکونک مریرلری بو اراده بی کنج نسله

آنقره آبدلرندن

آنقره ده اوکوست معبدی

آناطولیده تصادف اولنان قبل الاسلام آثار مدینه نك عددی آرز دكلدر. بونلر عمومیت اعتبارله ایکی قسمة ایریله بیلیر: بری قلاسیق دنیلن یونانی و رومالیر دورینه، دیکری ده بوندن اولکی قدیم مدینتلره عائددر. بو ایکنجی قسمة تاریخی، اجرا اولونان پك چوق تدقیقاته رغماً، دهها هنوز تمامیه تنور ایدمه مشدر. بونك برمنالی تمجید پلاوی کبی هرکسك آغرنده طولاشان هیتلر مسئله سیدرکه بوقومك مصرک هیروغلیفری کبی اشکال ایله محکوک اولان یازیلری الآن حل و قرائت اولونامامشدر. هیتلر حقتده بیلن بیلیمین بر چوق غریب غریب شیلر سولرلر. کیمیی بونلرک تورک اولدیغی، دیکرلری ارمنی یا خود هند و ژرمن جنسندن حتی جرکس اولدقارینی بیله ادعا ایدرلر. ایشته دهها بونك کبی آناطولیده نیجه اقوام کلمش کچمشدرکه آثار باقیه لری ایله مدینتله رینی تعیین اتمک ممکن اولمايور. قلاسیق دورندن قالان اثرلرک تدقیقی اولدقچه توسیع ایدلمشدر. بونلرک خرابه لرنده اجرا اولشان حفریاتده پك مهم مبانی بقیه سته و آثار نختیه دسترس اولنقددهر. معبدلر، خانه لر، سرایلر، بازار و اوپون برلری، پك جسم تیارولر الخ برر برر طوپراق آلتندن جیقيور. برغمه، آیانلوغ، بریه ن، میلت، دیدیما هپ بویله حفریات نتیجه سنده هر بر تفرعاتیه کشف ایدلمش قصه لدر. بونلرک تخریباتی علی الاکثر اوروپالیرجه تورک لره عطف ایدیلور. برکت و برسون که حکملرنده بی طرف وصاحب الصاف اولان پك بیوک عالملر بوکی اسناداته قارشى حقیقی توضیح ایتشلردر. خریستیانلق انتشار ایتدیکی وقت پت پرست معبدلرینک اقسام کلیه سی آلیناراق انشا اولونان کلیسالر و مبانی سائره ایچون استعمال ایدلمشدر. بوسورتله قلاسیق دورینک آثارندن بر جوغی محو اولمشدر. مع مافیه بو کیفیت پك زیاده موجب تعجب اولمالیدر. زیرا قاعده کلیه اولمشدرکه بر مملکت صوکرادن کلن بر قوم ویا بر دین اسلافنک آبداتندن استفاده ایتمشدر. دنیه بیلیرکه تورکلر عمومیت اوزره آثار اسلافه رعایت و بولدقاری آبداتک بر جوغی ده محافظه ایتشلردر.

آنقره ده اوکوست معبدی و کوتاهی جوارنده چاودار حصارده کاشن ژوپتر معبدی قلاسیق دورندن قالارق محافظه اولونان آبدات ایچون بارز برر مثال تشکیل ایدر. آنقره شهرینک قرال میداس طرفندن تأسیس ایدیلدیکی روایت اولونیور. هر حالده آنقره تقسیمات قدیمیه کوره رومالیر زماننده غالاتیانک پایتختی ایدی. بو شهرک قدیمک بارلاق واک مترقی زمانی رومالیر دورنده ایدی. اشته الیوم آنقره ده کوردیکمز اوکوست معبدی بوکا بر دلیلدر. اساساً رومانک

موجود کچیلرک ده سنه دن سنه یه نزاید ایلکده اولدینی مثلاً ۱۹۲۳ ایله ۱۹۲۲ سنه لری طرفنده استحصالاتک بر مثل جوغالدیغی ادعا ایلکده درلر. بو تقدیرده ناصل اولسه بو حساب نه نظرأ ۱۹۲۷ سنه سنده استحصالات آمریقاده شمديکنک بر مثلنی بولاجقدر. آمریقا تیفتیکنک نوعی ده جنوبی آفریقاده استحصالات اولنان تیفتیکنک نوعی قدر ای در. بناء علیه آفریقا کچی اخراجنده بولنسه ده بولماسه ده آمریقا تیفتیک یتیشدیرمکده ترقی ایدمکک و استقباله آفریقایه رقیب اولاجقدر [۱]

آفریقایه رقیب اولان آمریقانک تورکیه یه، آنقره تیفتیکنده رقیب اولاجغه شبهه یوقدر، ایشته، اقتصاد ساحه سنده چالیشمه نك مبادی بر جدال دن عبارت اولدیغی تیقن ایدن ملرک متیقظانه بوجداله کوکس کروب مغلوب اولما یه رقی الی ابد یاشامق عزیمتله مبادیاً دیدیغک ضرورتی حس ایتدک لری معلومدر، هر حالده آنقره نك هر تورلو ترقی ساحه سنده اولدینی کبی زراعی ساحه ده ده بسله دیکی کندی «چوقور اووه» آنلری سرعتیه ترقی و تکامل هدفنه دوغرو یول آلارک کذا کندی لیدی آرمودلری کبی بو مساعدینک طاتلی ثمره لری پک یقینده اقتطاف ایدمکک استبعاد ایدیلر. زراعی آنقره نك تکاملات تاریخنده بوشهره چیچک ذوقی، بارق و باغچه محبتی ایلك دفعه اولارق صوقانک نه قادر برنده و مصیب بر اولدیغی ابروجه ذکر ایتک ایسترم. آنقره ده ایلك چیچک لیونلغی ایله بر ایلکده فرانسه نك (مونسو) پارقی اساس اتخاذا ایدیلرک واسع بر بارقک آناخطوطی تثبیت و اساس غریساتنک ایلکله جدیدله چالیشمقددهر.

فقط زراعی آنقره نك تکاملی هر حالده زراعی نفوسنک جوغالیه سی اسبابنه تشبیه برار منطقه نك اقلیمی ایجاباتنه، زراعی احتیاجاته، اجتماعی خصوصاته توافق ایدمکله جک بر زراعت سیستمک تثبیت و تطبیقنه متوققدر. همان بر چوق ولایتلر مزده اولدینی کبی بزه قالدیرسه هنوز صابان یوزی کورمه مش کنیش طوپراقلر مزک زرعه باشلامدن اول دوشونوله جک آکهمم مسئله (زراعی نفوسی تزید، زراعت سیستمی اصلاح) دن عبارتدر. بواکی مهم نقطه واسع بر شکله زراعی تشکیلاته باشلامدن اول تعقیب اتمکک مجبور اولدیغمز زراعت سیاستمک ایکی بویوک عمده سی کبی تلقی ایدلیلدر، بکفوز ۱۲-۴-۹۲۷

هوار رشدی



[۱] انکلیز تجارت اوطله سی رساله سی : مارت تاریخ و (۹۰) نومرولو نسخه سندن.

اک بیوک ایمپراطورلرندن اولان اوکوستک دوری صناعات نفیسه و معماری ایچون دیکرلرینه فائقدر. اوکوستک زماننده فوق العاده توسع ایدن ایمپراطورلق ولایتلرینک بر جوق برلرنده تأسیس اولنان و اوکوستک دهها والوهیتنه اتخاف ایدیلن و عینی زمانده تحت تابعیتنه آلدینی اقوام و ممالک قارشى نشانه تحکم تشکیل ایتکک مخصوص اولان معبدلرک بری واک مشهوری مذکور اوکوست معبدی ایدی. بالاخره بومعبد (اوکوسته نوم) نامی ویریلشدر. غریبدرکه بومعظم ایمپراطور پایتختی اولان روما شهرنده بویله کندی نامنه معبد انشاسی استه مزدی. ولایاتده تأسیس اولوناجق معبدلرکده آنجق کندی نامنه (روما) نك نامنکده اشتراک ایتدیریلر سی صورتیه انشاسه مساعد ایدردی. کوریلورکه بالذات اوکوسته ورومایه الوهیت عطف اولونمشدی. یعنی دوغرو دن دوغرویه اوکوست بر معبود، بر اله و روما بر آلهه حالتی آلمشدی. اومعبدلرده اونلره طایلیوردی. اشته اوکوسته ورومایه عبادت اولونان معبدلرک کرک ابعادی، کرک طرز معمارینک طرافتی حسیله اک مشهوری مذکور آنقره معبدلر. بونک بوکونکی اهمیتی ایسه اقسام کلیه سی حالیه محافظه ایدلمش اولماسی و باخصوص دیوارلرنده اوکوستک سیاسی وصیتنامه سنک محکوک بولونماسندن طولاییدر. الیوم «مونومتوم آنسیرانوم» نامیه تعارف ایتش اولان مذکور کتابه نك متننده اوکوستک اجراءات و تشبیهاتی کندی لسانندن اولارق افاده ایدلمشدر. بوکتابه نك بالاسنده شو عباره محکوکدر:

«الهی اوکوستک بوتون عالمی روما خلق دولته تابع قیلان اجرا آتی - روما جمهوریتی ایله روما خلقی ایچون یاپدینی مصرفلر - روماده ایکی طووغ لوحیه حک ایدلمش اولان حجت مصدقه»

غالاتیا ایالتی قبل المیلاد ۲۵ تاریخنده رومایه الحاق ایدیلشدی. معبدک انشاسه میلادک ایلك سنه لرنده ایتدار اولوندینی ظن ایدیلور. ختام انشاسی ایسه سنه ۱۰ ده در. ایمپراطور اوکوست سنه ۱۴ ده وفات ایتمشدر وصیت نامه نك ا کمالیه بالاده کی سرلوحه سنده کورولدیکی کبی برونز لوحه لره حک ایدیلر سی وفاتندن بر مدت اول وقوع بولمشدر. بو لوحه لر اوکوستک روماده کی تره سی اوکنه وضع اولونمشدی. آنقره معبدینک کتابه سی، بو بناتک ختام انشاسندن صوکره حک اولونمش اولدینی محکوکاتک ترتیبندن آکلاشیلور. متی اساساً لاتینجه اولان بو وثیقه مهمه معبد دیوارلرینک داخل صاغ وصول طرفلرنده محکوک اولوب هر بر قسمی تخمیناً ۱۱ متر و مربع محل اشغال ایتدیکندن کتابه نك مساحتیه عمومییه سی ۲۲ متر و مربع اولور. غالاتیا اهالیسی کتابه نك محتویاتی آکلاسیکلر دینه قابودن کیررایکن صاغ جناح دیوارینک خارجه ده رومجه ترجمه سی حک ایدیلشدر. بو ترجمه یاقین وقته قدر دیواره ملاصق اولان اخشاب اولرک آرقاسنده قلمش ایدی. اخیراً بواولرک بر قسمی هدم ایدلرکندن کتابه ده میدان چیمشدر. کریده قالان اولرکده هدمیه او محکک تماماً تطهیر ایدیلر سی و مرمر دیوارک بویدن بویه میدان چیقاریلما سی الزمدر.

آنقره و آيزانوى معبدى

توركيه حكومتى برلين آرله اولوزى مؤسسه-نه آنقره ده كى اوگوست معبدى ايله آيزانويده كاڻ ژوپيتر معبدنده حفريات اجراسنه مساعده ايتشدرد. آرگه اولوزى مؤسسه-سى برلين فن مكتب عاليسى معلملرندن پروفيسور دوكتور دانيال قره-نقهرى و بى-بوايشه مأمور ايتشدرد.

آلمان آرگه اولوزى حفريات و فعاليتك مركز ثقلى اونه دن برى معمارى تبعاتى تشكيل ايديوردى. بونى پك اعلا آ كلامق قابلدرد. طوپراغى قابل نقل خزان ائله ايتك مقصديله قازمايوب علمى بر صورتده حفريات يابان بر كيمه عصر لرجه مدت مكممل بر ايمپراطور اوگوسته و اخلافنه عطف ايديلن معبودلق خريستيانلغك غالاتيا قطعه-سنة حلوكه قادار جارى اولشدرد. بو آندن اعتباراً معبدك بر كليسا يه تحويل ايديلىش اولديغى ظن ايديلدرد. فقط بونك-سنة-سى محقق اولارق تعيين اولونماز. هر حالده ميلادك دردنجى عصرى نهايتنده وقوعه كلديكى اغلب احتمالدر. بو معبدك مرمر ديركلرينه آنقره جامعلرنده تصادف اولونمايورد. معبد هيچ بروقت جامعه تحويل ايديلمه مشدرد. حتى او درجه محافظه كارانه داورايتيلمشدركه معبد ديوارينه بر ضرر ايران ايتمك ايچون يانى باشنده بولونان حاجى بايرام ولى جامعنك كوشه-سى آنجق معبد ديوارينه تطبيق ايديلمك اكتفا اولونمشدرد. بو جامعنك كرك دروننده و كرك خارجنده معبد عايد مرمر اقسامدن بر پارچه-بيله موجود دكلدر. احتمالكه معبدك دامندن دوشن مرمر لوحه لر ايله سائر بعض مرمر اقسام مرور دهور ايله كيچ اوجاقلرينه سرمايه اولشدرد. هر حالده ييزايتيلردن سوكره آنقره نك ايرانيلىر ، امويلر ، عباسيلر و سلجوقي و عثمانلى توركلرى طرفندن استيلا-سنة قادار مان عيني حالده قالش اولديغنه حكم ايديله بيلير. بو معبدك بويله عصرلردن برى توركلرك الينده بر وديعه تاريخيه اولق اوزره محفوظ قالماسى توركلرك هر درلو آثار اسلافى تخريب ايله دكلرينه دائر اوروپاليرك سردايتمكده اولدقلى افاداقى تكذيب ايدرد. بواون طقوز عصرلق بنا ايله كتابه لرك بوندن سوكره ده محافظه ايديله جكنه شبه اولونماين.

ايمپراطور اوگوستك وصيت نامه-سك لاتينجه متن اصليسى بر ايكنجى نسخه اولارق بلواجده قديمآ آنيوخيا-سمة اولونان شهرك خرابه-سند پروفيسور رامه طرفندن سوكره ستر طرفنده كشف اولونمشدرد. بونك ده آنقره يه نقل اولونارق اوگوست معبدى دروننده محافظه ايديله-سى پك موافق اولور. بو صورته مركز حكومتى شيمدى يه قادار رومالير زمانندن قالما واثاق تاريخيه دن اك مهمك ايكي نسخه-سنة مالك اولاجقدر.

فيل ادهم

طرزده انشا آت اجرا ايديلن بر عملكند انشاصنعتك بقايا-سنة واسع بر مقياسده عطف دقت ايتك مجبوريتنده در. آلمان آرگه اولوزيسى آتورپه و بابله ، بوغاز كوى و تروواده ، بريهن ، ميلهت ، برغمه ، مغنيسا ، ديديم و بعلبكده اسكى شرقك انشائاريخنه عايد اساساتى تثبيت ايتشدرد. اول امرده اساس اعتباريله علاقه منرى اسكى دورلر تشكيل ايتش ايسه ده بونك آناتوليده اولديغى قادار هيچ برولايتده بارلاق اولمايان قيصرلر زمانى معماريسنه حقل اولدق نام بر علاقه عطف ايدلكده در. بوراده موضوع بحث اولان شى بر

بر يولجيه

دور يولجى ! بيلمه دن كلوب باصديغك
بو طوپراق بر دورك باتدينى يردر .
اكيل ده قولاق وير ، بو ساكت ييغين
بر وطن قلبك آتدينى يردر .

بو ايصسر ، گولگه سز يولك صولنده
گورديكك بو تومسك ، آناتولوكده
استقلال اوغرنده ، ناموس يولنده
جان ويره ن محمدك ياتدينى يردر .

بو تومسك ؛ قوپاركن بويوك زلزله ،
صوك وطن جزئى ده كچركن آله
محمدك دشمنى بوغدينى سيله
مبارك قاتنى قاتدينى يردر .

دوشون كه ، حشر اولان كيك ، قان ، آتك
ياپدينى بو تومسك ، آمانسز ، چتين
بر حربك صوكنده بوتون ملتك
حریت ذوقنى طاتدينى يردر .

نجم الدين خليل

خرابى صنعتى اولمايوب بلكه ، تأثيرلى تا قرون وسطى يه وحتى زمان حاضره قادار دوام ايدن مكان تشكيلى ، قونستروكسيون و تزئينات معماريه يه متعلق جانلى برانكشاف موضوع بحثدر . بزم ايچون حالا نقصان اولان برشى وارسه اوده واضح بر قرون اولوزيدرد. بويله بر قرون اولوزى آنجق اك امين اساسلردن چيقيق صورتيله مه توديك بر ايلريله مه ايله قابل استحصالدر. بويله بر تاريخى ، قيصر زمانك باشلانغجى بزه آنقره ده كى اوگوست معبدى و برمكده در . بو معبد عين زمانده ياپيليشنده كى مكمليت ايله ده قيميلى در . بوانشا اثرى بهررونك سياحتنامه-سند مندرج وكيوم طرفندن آلمان فوطوغرافلرله علمه طابيتيلمشدرد.

فقط بو رسلىر بونكى مطالبه كوره غير كافيدر . بونك ايچون معبد اوزره رنده موده رن تدقيقاتك بوتون تجاربتى ايله يكيدين ايشله مك آناتوليده كى صنعت علمى ايچون بروظيفه اساسيه اولوب روما معماريسنى اك ابى طائيفلردن برى صفتيله دانيال قره-نقهرى بو وظيفه يه اشتراك ايدمكده جكدرد .

قديم اسمى آيزانوى اولان موقع كوتاهيه نك ۴ كيلو جنوب غربي سنده بولونان بونكى چاودار حصاردر . پك واسع اولان بو خرابه لر بو ميانده تيارو ، ستاديوم ، ايكي كوپرو و هر شيدن اول ژوپيتر معبدى نمايزدرد . آنجق ۱۸۲۴ سنده Earl of Ashburnham طرفندن كشف ايدلىش و متعاقب سنده رنده ته قيه (هر زمان اولديغى كى ناقص بر صورتده) ولوبا (داها اعتنالى و ته قيه نك نتيجه لرندن منحرف بر صورتده) طرفندن مساحه اولونمشدرد. آنجق ۱۸۹۰ سنده رنده (آفره د كورته) نامنده كى آلمان قرون اولى مدققى اسوه چ فوطوغرافيلرندن (برغره ن) فوطوغرافلر آلديرمش و آنجق كچن عصرده (قالدرد) و (قوقس) نامنده كى انكليز لرك بر قافله-سى موقعك زنكين كتابه لرى اوزرنده چاليشمشدر.

آيزانوى ده كى ژوپيتر معبدى آناتوليلىك اك كوزهل خرابه لرندن برى اولوب « آره ختئون » دن سوكره قرون اولى نك ايبونيك انشا آثارينك اك ابى محافظه ايديله نلردن بريدر .

ستونلردن ۱۶ سى هنوز قائم اولوب ديكرلرينك ايكي سى نامدر . معبد پنجره لر واسطه سيله تنوير ايديلن و بر مرديوه ن ايله ايجريسته كيپيلن بر كيلار قبه-سى اوزرينه مستنددر . ژوپيتر معبدينك زمان انشاسى حقنده هنوز واضح بر فكر من بوقدر . معبدك اسلوبنده كى صافيت بر چوقلرغى معبدك ميلاددن اولكى زمانلرده ياپيلديغى فكرينه سوق ايتمكده ايسه ده ديوارلرده كى كتابه لر ميلاددن ايكي عصر سوكره كى زماندن نشئت ايتمكده در . بو كتابه لر دها اول كتابه لر ايچون تخصيص ايدلىش اولان كتابه محللرنده بولونقمده در . بوملاحظه دولاييسيله (كورته) معبدك (هادريانيك) اولديغى بيان ايتش و بو فكر بو صورته متفقاً ده كيله سيله اساس اعتباريله تصديق ايدلشدرد. هر حالده شوراسى محققدر كه آنجق ياپيلاجق يكي حفريات نتيجه-سند و معبدك يكيدين مكممل فوطوغرافلريك چيقارلسى صورتيله معبدك تاريخ انشاسى و آناتولى صنعت تاريخك بر جوق اساسلى مسئله لرى حقنده واضح بر فكر آله ايديله بيلير. فقط بوكى تدقيقاتده باشلانغج نقطه-سى دائما ، آنقره معبدى كى تاريخى تماماً تثبيت ايدلىش بر اثر اولاييلير.

پروفيسور دوكتور سوده

